


FAAFINTA		RASMIGA AH
EE		
JAMHUURIYADDA SOMALILAND		
SOMALILAND REPUBLIC OFFICIAL GAZETTE	النشرة الرسمية لجمهورية صومالييلاند	
Sanadka: 1aad	Cadadka: 2aad	Taariikh: 03/03/2012
QIIMAHA CADADKA: SL. Sh.		
RUKUNKA (Subscription):		
<i>QIIMAHA FAAFINTA AAN DAWLIGA AHAYN ee Qaybta Shanaad: Sadarkii kastaba SL. Sh.</i>		
Xafiiska Garyaqaanka Guud ee Qaranka, Madaxtooyadda JSL, HARGEYSA, E-mail: Garyaqaankaguud@gmail.com		

TUSMADA CADADKA

	Bogga
<u>QAYBTA KOWAAD:</u> XEERARKA AARLAMAANKA IYO XEER NIDAAMIYAYAASHA: <i>Sooma bixin</i>	
<u>QAYBTA LABAAD:</u> XEER NIDAAMIYAYAASHA IYO DIKREETOYINKA MADAXWEYNAHA:	
1) Xil-ka Qaadis; <i>Febarweri 09, 2012.</i>	3
2) <i>Xeer Madaxweyne No. 0196/022012, Febarweri 09, 2012; Magacaabid.</i>	4
3) Xil-ka Qaadis; <i>Febarweri 09, 2012.</i>	5

<p>4) <i>Xeer Madaxweyne No. 0197/022012, Febarweri 09, 2012; Magacaabid.</i></p>	6
<p>5) <i>Xil-ka Qaadis; Febarweri 14, 2012.</i></p>	7
<p>6) <i>Xil-ka Qaadis; Febarweri 14, 2012.</i></p>	8
<p>7) <i>Xeer Madaxweyne No. 0199/022012, Febarweri 18, 2012; Magacaabid.</i></p>	9
<p><u>QAYBTA SADEXAAD:</u> DIGREETOOYINKA, WAREEGTOOYINKA, AMARADA IYO XEER NIDAAMIYAYAASHA WASIIRADA, IWM <i>Sooma bixin</i></p> <p><u>QAYBTA AFRAAD:</u> AMARADA IYO GO'AANADA MAAMUL <i>Guddida Diiwaangelinta Ururada</i> <i>Siyaasiga ah iyo Ansixinta Axaabta Qaranka:</i> <i>Go'aan Guddi, Febarweri 08, 2012</i></p> <p><u>QAYBTA SHANAAD:</u> OGEYSIISYADA <i>Sooma bixin</i></p>	10

QAYBTA LABAAD:
XEER NIDAAMIYAYAASHA IYO DIKREETOYINKA
MADAXWEYNAHA:

XIL-KA QAADIS, Febarweri 09, 2012:

REF....JSL/M/XILQ/249/1-915/022012

09/02/12

Ku: Mudane Maxamed Xasan Cabdilaahi (Jidhif)

-Hargeysa-

Taliyihii hore ee ciidanka qaranka JSL

Og: Wasiirka Wasaaradda Gaashaandhigga

-Hargeysa-

Ujeedo: **Xil Ka Qaadis**

Mudane

Waxa aan aad kuugu mahadinayaa mudadii aynu wada shaqaynaynay, xilalka Qaranka ayay dabciigeed tahay in ay meerto noqoto oo kolba cid hanan karta loo dhiibo.

Sidaa darteed waxaan gartay in aan kaa qaado xilka Taliyaha Ciidanka Qaranka JSL.

Haddaba waxaan kaa rajaynayaa in aad si niyad sami ah ugu wareejiso xilka aad haysay Janaraal Ismaciil Maxamed Cismaan (Shaqale) oo aan xilka isaga u magacaabay.

Wasiirka Wasaaradda Gaashaandhigga oo ay warqadani ogaysiin ugu socoto waxa la farayaa in uu labada masuul uu u kala wareejiyo xilka Taliyaha Ciidanka Qaranka JSL

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

**XEER MADAXWEYNE NO. 0196/022012, Febarweri 09,
2012;
MAGACAABID.**

REF....JSL/M/XERM/249-913/022012

09/02/12

XEER MADAXWEYNE 0196/022012

M a g a c a a b i d

Madaxweynaha Jamhuuriyadda Somaliland

Markuu Arkay: Qodobka 90aad ee Dastuurka
Jamhuuriyadda Somaliland;

Markuu arkay : In baahi loo qabo in la dardar
geliyo hawlaha Ciidanka Qaranka;

Markuu Tixgeliyey: La taashiga Madaxda ay arrintani
khusayso;

Markuu Arkay: In uu hanan karo xilkan loo
magacaabay ;

Wuxuu go'aansaday;

In Mudane, Ismaaciil Maxamed Cismaan (Shaqale) laga
bilaabo taariikhda xeerkan uu ahaado Taliyaha Ciidanka
Qaranka Jamhuuriyadda Somaliland.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

XIL-KA QAADIS, Febarweri 09, 2012;

REF....JSL/M/XILQ/249/1-916/022012

09/02/12

Ku: Mudane, Ibraahin Caydiid Axmed
Abaandulihii Hore ee Ciidanka Qaranka JSL
Og: Wasiirka Wasaaradda Gaashaandhigga

Ujeedo: **Xil-ka Qaadis**

Mudane,

Waxa aan aad kuugu mahadinayaa mudadii aynu wada shaqaynaynay. Xilalka Qaranka ayay dabcigeed tahay in ay meerto noqoto oo kolba cid hanan karta loo dhiibo.

Sidaa darted, maadaama aad mudda dheer soo haysay xilka Abaanduulaha Ciidanka Qaranka JSL, waxaan gartay in aan kaa qaado xilkii Abaandulaha Ciidanka Qaranka JSL.

Haddaba waxaan kaa rajaynayaa in aad si niyad sami ah ugu wareejiso xilka aad hayso Mudane, Cabdilaahi X. Jaamac Calas oo aan xilkaa isaga ah u magacaabay.

Waxaa wasiirka wasaarada Gaashaandhigga oo ay warqadani ogaysiin ugu socoto la farayaa in uu labada mas'uul u kala wareejiyo xilka Abaanduulaha Ciidanka Qaranka JSL.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

XEER MADAXWEYNE NO. 0197/022012, Febarweri 09, 2012;
MAGACAABID.

REF....JSL/M/XERM/249-914/022012

09/02/12

XEER MADAXWEYNE 0197/022012

M a g a c a a b i d

Madaxweynaha Jamhuuriyadda Somaliland

- Markuu Arkay: Qodobka 90aad ee Dastuurka
Jamhuuriyadda Somaliland;
- Markuu arkay : In baahi loo qabo in la dardar
geliyo hawlaha Ciidanka Qaranka;
- Markuu Tixgeliyey: La tashiga Madaxda ay arrintani
khusayso;
- Markuu Arkay: In uu hanan karo xilkan loo
magacaabay;

Wuxuu go'aansaday

In mudane, Cabdilahi X. Jaamac Calas laga bilaabo
taariikhda xeerkan uu ahaado Abaanduulaha Ciidanka
Qaranka Jamhuuriyadda somliland.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

XIL-KA QAADIS, Febarweri 14, 2012;

REF....JSL/M/XILQ/249/1-929/022012

14/02/12

Ku: Saleebaan Maxamed Faarax

Gudoomiyaha Hay'adda Qurbajooga

-Hargeysa-

Og: Wasiirka Wasaaradda Arrimaha Dibedda JSL

-Hargeysa-

Ujeedo: Xil-ka Qaadis

Mudane,

Waxa aan aad kugu mahadinayaa mudaddii aynu wada shaqaynaynay. Xilalka qaranka ayay dabcigeed tahay in ay meerto noqoto oo kolba cida hanan karta loo dhiibo.

Sidaa darted, maadaama aad muddo dheer soo haysay xilka Gudoomiyaha Hay'adda Qurbajooga, waxaan gartay in aan kaa qaado xilkii Gudoomiyaha Hay'adda Qurbajooga.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

XIL-KA QAADIS, Febarweri 14, 2012;

REF....JSL/M/XILQ/249/1-928/022012

14/02/12

Ku: Maxamuud Raage Ibraahim

Agaasimihii Guud ee Wasaaradda Arrimaha Dibedda JSL

-Hargeysa-

Og: Wasiirka Wasaaradda Arrimaha Dibedda JSL

-Hargeysa-

Ujeedo: Xil-ka Qaadis

Mudane,

Maadaama oo aad xilkii ka soo bixi weyday, xilalka Qaranka ayay dabcigeed tahay in ay meerto noqoto oo kolba cid hanan karta loo dhibo.

Sidaa darteed, maadaama aad muddo soo haysay xilka Agaasimaha Guud ee Wasaaradda Arrimaha Dibedda, waxaan gartey in aan kaa qaado xilka agaasimaha guud ee wasaarada arrimaha dibedda.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

XEER MADAXWEYNE NO. 0199/022012, Febarweri 18, 2012;
MAGACAABID.

REF....JSL/M/XERM/249-937/022012

18/02/12

XEER MADAXWEYNE 0199/022012

M a g a c a a b i d

Madaxweynaha Jamhuuriyadda Somaliland

Markuu Arkey: Qodobka 90aad faqradiisa (3)aad, ee xarafka (kh) ee Distooraka Qaranka,

Markuu Tixgeliyey: Ahmiyadda Jaaliyadaha Somaliland u leeyihiin Dhismaha Qaranka,

Markuu Arkay: In baahi loo qabo buuxinta jagadda madaxa Xafiiska xidhiidhiyaha Jaaliyaddaha Somaliland

Markuu Kafiirsaday: Kartidiisa, aqoontiisa iyo hufnaantiisa shaqo,

Markuu ku qancay: In uu hanan karo xilkan loo magacaabay.

Wuxuu go'aansaday

In Mudane, Maxamuud Cabdiraxmaan Cali, laga bilaabo taarikhda manta uu ahaado Madaxa Xafiiska Xidhiidhiyaha Jaaliyadaha ee JSL. Xafiiskaa oo hoos imanaaya maamulka Wasaarada Arimaha Dibedda.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

Jamhuuriyadda Somaliland
Xafiiska Guddiga Diiwaangelinta Ururada
Siyaasadda iyo Ansixinta Axaabta Qaranka

REF : GDU/AAS/84/2012

08/02/2012

Go'aan Guddi

Ku : Dhamaan Ururada Siyaasada JSL

Guddida Diiwangelinta iyadoo fududaynaysa dhiirigelinaysana inay ururadu isku biiraan.

Waxa ay soo saartay:-

Inay ururadu isku biiri karaan iyagoo ku midoobi kara magacyadii u diiwangashanaa mid ka mid ah ama magac cusub oo ay ku heshiiyeen.

Wixii is bedela ee ku yimaadana dhismaha ururada waxay ku soo gudbinayaan mudo aan ka badnayn shan iyo toban cisho (15) gudohood marka is bedelku dhaco.

Guddidu waxay u baxaysaa kormeer ay ugu kuur gelayso halka ay marayso diyaar garowga hawlgalka ururadu.

Alla Mahad Leh

Xasan Axmed Ducaale (Xasan Mucalin)
Afhayeenka Guddida